

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা ২৩/২০১৮-১৯

ঢাকা, মঙ্গলবার, ৩১ জুলাই ২০১৮, ১৬ শ্রাবণ ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। মন্ত্রিসভায় 'কমিউনিটি ফ্লিনিক স্বাস্থ্য সহায়তা ট্রাস্ট আইন, ২০১৮'-এর খসড়া অনুমোদন মন্ত্রিসভার সিদ্ধান্ত বাস্তবায়নের হার বেড়েছে ৩ দশমিক ৩৮ শতাংশ
- ২। আজ বঙ্গবন্ধু স্যাটেলাইট-১ এর গ্রাউন্ড স্টেশন উদ্বোধন করবেন প্রধানমন্ত্রী
- ৩। বঙ্গবন্ধুর কারাজীবন নিয়ে বই '৩০৫৩ দিন' এর মোড়ক উন্মোচন করলেন প্রধানমন্ত্রী
- ৪। প্রধানমন্ত্রীর উপস্থিতিতে বিমানবাহিনী প্রধানকে এয়ার চিফ মার্শাল ব্যাজ প্রদান
- ৫। মন্ত্রিসভায় ওয়েস্ট ইন্ডিজের সঙ্গে সিরিজ জয়ে বাংলাদেশ ক্রিকেটদলকে অভিনন্দন
- ৬। গণভবনের লেকে মাছের পোনা অবমুক্ত করলেন প্রধানমন্ত্রী
- ৭। বঙ্গবন্ধুর রাষ্ট্রভাবনায় ছিল বাঙালির স্বাধীন রাষ্ট্র প্রতিষ্ঠা : প্রকাশনা অনুষ্ঠানে বাণিজ্যমন্ত্রী
- ৮। বিমানবন্দর সড়কে বাস চাপায় আহত শিক্ষার্থীদের সুচিকিৎসা প্রদানের নির্দেশ স্বাস্থ্যমন্ত্রীর
- ৯। সব প্রতিষ্ঠানে ভাল কাজের প্রতিযোগিতা হলে দেশ এগিয়ে যাবে শুদ্ধাচার পুরস্কার প্রদানকালে পরিকল্পনামন্ত্রী
- ১০। শর্ত পূরণ না করা প্রাইভেট ভার্সিটি বন্ধ করে দেওয়া হবে প্রাইম এশিয়া ভার্সিটির সমাবর্তনে শিক্ষামন্ত্রী
- ১১। তিন সিটি কর্পোরেশনের নির্বাচন নিয়ে সিইসি'র সভোষ প্রকাশ

১। মন্ত্রিসভায় ‘কমিউনিটি ক্লিনিক স্বাস্থ্য সহায়তা ট্রাস্ট আইন, ২০১৮’ এর খসড়া অনুমোদন মন্ত্রিসভার সিদ্ধান্ত বাস্তবায়নের হার বেড়েছে ৩ দশমিক ৩৮ শতাংশ

দেশের কমিউনিটি ক্লিনিকগুলো চলবে একটি ট্রাস্টের অধীনে। এ লক্ষ্যে কমিউনিটি ক্লিনিকের কর্মীদের চাকরি স্থায়ীকরণ, বেতন বৃদ্ধি, পদোন্নতির সুযোগ, গ্যাচুইটি, অবসর ভাতা দেওয়ার সুবিধা রেখে ‘কমিউনিটি ক্লিনিক স্বাস্থ্য সহায়তা ট্রাস্ট আইন, ২০১৮’ এর খসড়ার নীতিগত অনুমোদন দিয়েছে মন্ত্রিসভা। বর্তমানে কমিউনিটি ক্লিনিকগুলো সরকারের একটি প্রকল্পের অধীনে চলে। গতকাল (৩০ জুলাই সোমবার) প্রধানমন্ত্রী শেখ হাসিনার সভাপতিত্বে তাঁর কার্যালয়ে অনুষ্ঠিত মন্ত্রিসভার বৈঠকে এ আইনের খসড়ার অনুমোদন দেওয়া হয়।

অপরদিকে চলতি বছরের এপ্রিল থেকে জুন মাসে মন্ত্রিসভায় নেওয়া সিদ্ধান্ত বাস্তবায়নের হার গত বছরের এ সময়ের চেয়ে ৩ দশমিক ৩৮ শতাংশ বেড়েছে। এ প্রসঙ্গে মন্ত্রিপরিষদ সচিব (সমন্বয় ও সংস্কার) এন এম জিয়াউল আলম জানান, গত এপ্রিল থেকে জুন পর্যন্ত (ত্রৈমাসিক) নয়টি মন্ত্রিসভা বৈঠকে ৮৪ টি সিদ্ধান্ত হয়। এর মধ্যে বাস্তবায়ন হয়েছে ৬৩ টির, ২১ টি সিদ্ধান্ত বাস্তবায়নাধীন। সিদ্ধান্ত বাস্তবায়নের হার ৭৫ শতাংশ। সূত্র- সংবাদ (পৃ.১,ক.৪), সমকাল (পৃ.১৯,ক.১), ইভিপেনডেন্ট (পৃ.৩,ক.৭), এশিয়ান এজ (পৃ.১,ক.২)।

২। আজ বঙবন্ধু স্যাটেলাইট-১ এর গ্রাউন্ড স্টেশন উদ্বোধন করবেন প্রধানমন্ত্রী

বঙবন্ধু স্যাটেলাইট-১-এর গাজীপুরহু প্রাইমারি গ্রাউন্ড স্টেশনটি আজ (৩১ জুলাই মঙ্গলবার) উদ্বোধন করা হবে। প্রধানমন্ত্রী শেখ হাসিনা ভিডিও কনফারেন্সের মাধ্যমে ঢাকার বঙবন্ধু কনফারেন্স সেন্টার থেকে এর উদ্বোধন করবেন। একইসঙ্গে বেতনুনিয়ার ব্যাকআপ গ্রাউন্ড স্টেশনটিও উদ্বোধন করা হবে। এছাড়া একইদিন বঙবন্ধু স্যাটেলাইট-১-এর সফল উৎক্ষেপণ উদ্যাপন করা হবে। এ উপলক্ষে গাজীপুরের জেলা প্রশাসনসহ সংশ্লিষ্টরা প্রধানমন্ত্রীর সঙ্গে ভিডিও কনফারেন্সে সংযুক্ত হবেন। সূত্র-ইত্তেফাক (শেষ পৃ.,ক.১), জনকর্ত (পৃ.১,ক.১)।

৩। বঙবন্ধুর কারাজীবন নিয়ে বই ‘৩০৫০ দিন’ এর মোড়ক উন্মোচন করলেন প্রধানমন্ত্রী

স্বাধীন বাংলাদেশের স্থপতি জাতির পিতা বঙবন্ধু শেখ মুজিবুর রহমানের কারাবাস নিয়ে দুর্লভ আলোকচিত্র সংবলিত ‘৩০৫০ দিন’ শিরোনামে একটি বই বের হয়েছে। গতকাল (৩০ জুলাই সোমবার) প্রধানমন্ত্রী শেখ হাসিনা তাঁর কার্যালয়ে মন্ত্রিসভার বৈঠকের আগে এ বইয়ের মোড়ক উন্মোচন করেন। এর আগে স্বরাষ্ট্রমন্ত্রী আসাদুজ্জামান খাঁ কামাল প্রধানমন্ত্রীর হাতে বইটি তুলে দেন। পুস্তকটি প্রকাশ করেছে স্বরাষ্ট্র মন্ত্রণালয়ের সুরক্ষা সেবা বিভাগ এবং কারা অধিদপ্তর। ‘৩০৫০ দিন’ পুস্তকে দুর্লভ আলোকচিত্র এবং জাতির পিতার বন্দিজীবনের অসংখ্য তথ্য রয়েছে। সূত্র-ইত্তেফাক (পৃ.১৯,ক.২), জনকর্ত (পৃ.১,ক.৩), ইভিপেনডেন্ট (পৃ.১৫,ক.১), এশিয়ান এজ (শেষ পৃ.,ক.২)।

৪। প্রধানমন্ত্রীর উপস্থিতিতে বিমানবাহিনী প্রধানকে এয়ার চিফ মার্শাল ব্যাজ প্রদান

প্রধানমন্ত্রী শেখ হাসিনার উপস্থিতিতে গতকাল (৩০ জুলাই সোমবার) গণভবনে বিমানবাহিনীর প্রধান এয়ার মার্শাল মাসিহুজ্জামান সেরনিয়াবাতকে এয়ার চিফ মার্শাল’র নতুন র্যাঙ্ক ব্যাজ পরিয়ে দেওয়া হয়েছে।, সেনাবাহিনী প্রধান জেনারেল আজিজ আহমেদ ও নৌবাহিনী প্রধান এডমিরাল নিজামুদ্দিন আহমেদ বিমানবাহিনী প্রধানকে এ নতুন র্যাঙ্ক ব্যাজ পরিয়ে দেন। অনুষ্ঠানশেষে প্রধানমন্ত্রী ফুলের তোড়া দিয়ে নতুন বিমানবাহিনী প্রধানকে শুভেচ্ছা জানান এবং তাঁর সাফল্য কামনা করেন। বিমানবাহিনী প্রধানও ফুলের তোড়া দিয়ে প্রধানমন্ত্রীকে অভিনন্দন জানান। সূত্র-ইত্তেফাক (পৃ.৩,ক.৫), সমকাল (শেষ পৃ.,ক.১), এশিয়ান এজ (পৃ.৩,ক.১)।

৫। মন্ত্রিসভায় ওয়েস্ট ইভিজের সঙ্গে সিরিজ জয়ে বাংলাদেশ ক্রিকেটদলকে অভিনন্দন

ওয়েস্ট ইভিজের সঙ্গে সিরিজ জয়ে বাংলাদেশের জাতীয় ক্রিকেটদলকে অভিনন্দন জানিয়েছে মন্ত্রিসভা। একদিনের আন্তর্জাতিক ক্রিকেটে ওয়েস্ট ইভিজের বিরুদ্ধে বাংলাদেশ ক্রিকেটদলের সিরিজ জয়ে বৈঠকে একটি অভিনন্দন প্রত্নতাৎ গৃহীত হয়। এদিকে মন্ত্রিসভার বৈঠকে দুঁটি শোকপ্রস্তাব গৃহীত হয়েছে। খুলনা-৪ আসনের সংসদ সদস্য, জাতীয় সংসদের সাবেক ভুট্টপ ও খুলনা আওয়ামী লীগের সাধারণ সম্পাদক মোস্তফা রশিদী সুজা এমপি এবং পার্বত্য চট্টগ্রাম মন্ত্রণালয়ের প্রথম মন্ত্রী ও স্থানীয় আওয়ামী লীগ সভাপতি কল্পরঞ্জন চাকমার মৃত্যুতে মন্ত্রিসভায় শোকপ্রস্তাব গৃহীত হয়। সূত্র-ইত্তেফাক (পৃ.১৯,ক.৬), জনকর্ত (শেষ পৃ.,ক.৭)।

৬। গণভবনের লেকে মাছের পোনা অব্যুক্ত করলেন প্রধানমন্ত্রী

প্রধানমন্ত্রী শেখ হাসিনা জাতীয় মৎস্য সপ্তাহ-২০১৮ উপলক্ষে গতকাল (৩০ জুলাই সোমবার) তাঁর সরকারি বাসভবন গণভবনের লেকে মাছের পোনা অব্যুক্ত করেছেন। মৎস্য ও প্রাণিসম্পদ মন্ত্রী নারায়ণ চন্দ্র চন্দ, প্রধানমন্ত্রীর মুখ্য সচিব মো. নজিবুর রহমান ও সংশ্লিষ্ট সচিবগণ এ সময় উপস্থিত ছিলেন। সুত্র-ইত্তেফাক (পৃ.১৯,ক.২), জনকর্ত্ত (পৃ.১,ক.২), ইভিপেনডেন্ট (পৃ.৩,ক.১)।

৭। বঙ্গবন্ধুর রাষ্ট্রভাবনায় ছিল বাঙালির স্বাধীন রাষ্ট্র প্রতিষ্ঠা : প্রকাশনা অনুষ্ঠানে বাণিজ্যমন্ত্রী

বাণিজ্যমন্ত্রী তোফায়েল আহমেদ বলেছেন, স্বাধীন বাংলাদেশই ছিল বঙ্গবন্ধুর রাষ্ট্রভাবনা। জাতির পিতা শেখ মুজিবুর রহমান শুধু মহান নেতাই নন; দ্রুতৃষ্ণি সম্পন্ন মানুষ। লক্ষ্য নির্ধারণ করে যদি কেউ রাজনীতি করে এবং সেই লক্ষ্যে যদি কেউ অবিচল থাকে, তবে তিনি লক্ষ্য অবশ্যই পৌঁছাবেন। বঙ্গবন্ধু ছিলেন তার সবচেয়ে বড় উদাহরণ। গতকাল (৩০ জুলাই সোমবার) জাতীয় জানুয়ারে কবি সুফিয়া কামাল মিলনায়তনে আয়োজিত জাতীয় বিশ্ববিদ্যালয়ের উপাচার্য অধ্যাপক ড. হারুন-আর-রশীদের গবেষণা গ্রন্থ ‘বঙ্গীয় মুসলিম লীগ পাকিস্তান আন্দোলন: বাঙালির রাষ্ট্রভাবনা ও বঙ্গবন্ধু’ এর প্রকাশনা অনুষ্ঠানে প্রধান অতিথির বক্তৃতায় তিনি এ কথা বলেন। সুত্র-ইত্তেফাক (পৃ.১৫,ক.১), সমকাল (পৃ.১৯,ক.৭)।

৮। বিমানবন্দর সড়কে বাসচাপায় আহত শিক্ষার্থীদের সুচিকিৎসা প্রদানের নির্দেশ স্বাস্থ্যমন্ত্রীর

স্বাস্থ্য ও পরিবার কল্যাণ মন্ত্রী মোহাম্মদ নাসিম বিমানবন্দর সড়কে বাসচাপায় আহত শিক্ষার্থীদের সুচিকিৎসা প্রদানে প্রয়োজনীয় ব্যবস্থা নেওয়ার নির্দেশ দিয়েছেন। স্বাস্থ্যমন্ত্রীর নির্দেশে স্বাস্থ্য অধিদপ্তরের অতিরিক্ত মহাপরিচালক (এডিজি) অধ্যাপক ডা. এ এইচ এম এনায়েত হোসেন কুর্মিটোলা জেনারেল হাসপাতালে যান এবং প্রয়োজনীয় ব্যবস্থা গ্রহণ করেন। আহত শিক্ষার্থীদের প্রথমে এ হাসপাতালে চিকিৎসাসেবা দেওয়া হয়। বর্তমানে তাদের সিএমএইচে স্থানান্তর করা হয়েছে। স্বাস্থ্যমন্ত্রী সার্বক্ষণিক তাদের চিকিৎসার খোঁজখবর রাখছেন। তাদের চিকিৎসার জন্য প্রয়োজনীয় সব কিছু করা হবে বলেও জানিয়েছেন স্বাস্থ্যমন্ত্রী। সুত্র-ইত্তেফাক (পৃ.২,ক.২), যুগান্তর (পৃ.৩,ক.৮)।

৯। সব প্রতিষ্ঠানে ভাল কাজের প্রতিযোগিতা হলে দেশ এগিয়ে যাবে

শুন্দাচার পুরক্ষার প্রদানকালে পরিকল্পনামন্ত্রী

সব প্রতিষ্ঠানে ভালো কাজের প্রতিযোগিতা করার ওপর গুরুত্ব দিয়েছেন পরিকল্পনা মন্ত্রী আ হ ম মুস্তফা কামাল। তিনি বলেন, ভালো কাজের প্রতিযোগিতা হলে দেশ এগিয়ে যাবে। সেইসঙ্গে সর্বস্তরে সুশাসন নিশ্চিত করা যাবে। গতকাল (৩০ জুলাই সোমবার) রাজধানীর শেরেবাংলা নগরে এনইসি অডিটোরিয়ামে শুন্দাচার পুরক্ষার প্রদান অনুষ্ঠানে তিনি এসব কথা বলেন। পরিকল্পনা মন্ত্রণালয়ের বিভিন্ন বিভাগের ১৫ জন কর্মকর্তা-কর্মচারীর মধ্যে শুন্দাচার পুরক্ষার প্রদান করা হয়। সুত্র-ইত্তেফাক (পৃ.১৮,ক.২), জনকর্ত্ত (পৃ.২,ক.১)।

১০। শর্ত পূরণ না করা প্রাইভেট ভার্সিটি বন্ধ করে দেওয়া হবে

প্রাইম এশিয়া ভার্সিটির সমাবর্তনে শিক্ষামন্ত্রী

কিছু বেসরকারি বিশ্ববিদ্যালয় এখনও ন্যূনতম শর্ত পূরণ করতে পারেনি জানিয়ে শিক্ষামন্ত্রী নুরুল ইসলাম নাহিদ বলেছেন, এভাবে এসব বিশ্ববিদ্যালয় বেশি দিন চলতে পারবে না। যেসব বেসরকারি বিশ্ববিদ্যালয় পরিচালনার পরিবেশ ও নির্ধারিত শর্ত পূরণ করতে ব্যর্থ হয়েছে এখনও নিজস্ব ক্যাম্পাসে ঘায়নি, সেসব প্রতিষ্ঠানের বিরুদ্ধে আইনী ব্যবস্থা নেওয়া ছাড়া তারা আর কোনো পথ খোলা রাখেনি। গতকাল (৩০ জুলাই সোমবার) রাজধানীর বসুন্ধরা কনভেনশন সিটিতে প্রাইম এশিয়া ইউনিভার্সিটির ত্তীয় সমাবর্তন অনুষ্ঠানে রাষ্ট্রপতির প্রতিনিধি হিসেবে সভাপতির বক্তব্যে তিনি এসব কথা বলেন। সুত্র-জনকর্ত্ত (শেষ পৃ.,ক.৭), ইনকিলাব (শেষ পৃ.,ক.৪), নিউ মেশেন (পৃ.৩,ক.৬)।

১১। তিন সিটি কর্পোরেশনের নির্বাচন নিয়ে সিইসি'র সন্তোষ প্রকাশ

তিন সিটি কর্পোরেশনের নির্বাচনে ভোট গ্রহণশেষে সন্তোষ প্রকাশ করে প্রধান নির্বাচন কমিশনার (সিইসি) কে এম নুরুল হুদা বলেছেন, সব মিলিয়ে নির্বাচন ভালো হয়েছে। অনিয়মের কারণে বরিশালের ১৫টি কেন্দ্রের ফল স্থগিত ও একটি কেন্দ্র বন্ধ করা হয়েছে। তিন সিটি নির্বাচনের বেসরকারি ফলে রাজশাহীতে বিএনপির মেয়র প্রার্থী

মোহাম্মদ মোসাদ্দেক হোসেন বুলবুলকে হারিয়ে মেয়র নির্বাচিত হয়েছেন এএইচএম খায়রজামান লিটন। সিলেটে বিএনপির প্রার্থী আরিফুল হক চৌধুরী আওয়ামী লীগের প্রার্থী বদরউদ্দিন আহমদ কামরানের চেয়ে এগিয়ে আছেন। বরিশালে আওয়ামী লীগ প্রার্থী সেরনিয়াবাত সাদিক আবদুল্লাহ তার নিকটতম বিএনপি প্রার্থী মজিবর রহমান সরোয়ারকে হারিয়ে বেসরকারিভাবে মেয়র নির্বাচিত হয়েছেন। সূত্র-যুগান্তর (পৃ.১,ক.৪), যায়বায়দিন (পৃ.১,ক.১), এশিয়ান এজ (পৃ.১,ক.৫), অবজারভার (পৃ.১,ক.১)।

সম্পাদকীয়

- ক. ইন্ডেফাক, জনকর্ত, ডেইলি সান : ওয়েস্ট ইণ্ডিজকে হারিয়ে নয় বছর পরে আবারও বিদেশের মাটিতে বাংলাদেশ ক্রিকেটদল সিরিজ জেতায় অভিনন্দন জানিয়ে এ জয়ের ধারা অব্যাহত থাকবে বলে প্রত্যাশা ব্যক্ত।
- খ. ইনকিলাব, ইন্ডেফাক, ভোরের কাগজ, যুগান্তর, সমকাল, প্রথম আলো, সংবাদ, যায়বায়দিন, ইভিপেনডেন্ট, ডেইলি সান, নিউজ টুডে : রাজধানীর বিমানবন্দর সড়কে বাসচাপায় শহীদ রমিজ উদ্দিন ক্যান্টনমেন্ট কলেজের দুই শিক্ষার্থী নিহত হওয়ায় দুঃখ প্রকাশ করে সড়ক দুর্ঘটনা রোধে দক্ষ ও প্রশিক্ষিত চালকদের নিয়োগ দেওয়ার ওপর গুরুত্বারোপ।
- গ. বণিক বার্তা : গ্রামে উচ্চশিক্ষার প্রসারতা ২ দশমিক ৩ শতাংশের মধ্যে সীমিত। যেখানে শহরাঞ্চলে ৮ দশমিক ৬ শতাংশ উল্লেখ করে শিক্ষায় শহর-গ্রামের বৈষম্য দূর করতে কার্যকর পদক্ষেপ নেওয়ার সুপারিশ।
- ঘ. ইভিপেনডেন্ট, যায়বায়দিন : মানবপাচার রোধে যা যা করণীয় তা নির্ধারণ করে যথাযথ পদক্ষেপ নিশ্চিতকরণের সুপারিশ।
- ঙ. নিউ নেশন : দেশের আইটি খাতের বিপুল সম্বন্ধ কাজে লাগিয়ে তাকে বিশ্বমানের পর্যায়ে নিয়ে যেতে গুণগত মানসম্পন্ন অবকাঠামো সহজলভ্যতা বিশেষকরে নির্বিঘ্ন বিদ্যুৎ সরবরাহসহ হাই স্পিড ইন্টারনেট সংযোগ নিশ্চিত করার সুপারিশ।
- চ. অবজারভার : বিভিন্ন পদক্ষেপ নেওয়ায় সুন্দরবনে বাঘের সংখ্যা বিগত তিন বছরে সমান্য বেড়ে যাওয়ার বিষয় তুলে ধরে সুন্দরবনকে প্রাণীদের জন্য নিরাপদ রাখতে মানব প্রবেশ সীমিত করাসহ বন ধ্বংসের কার্যকলাপ প্রতিহত করার ওপর গুরুত্বারোপ।
- ছ. নিউ এজ : দেশের প্রতিটি বিভাগে ৪ অক্টোবরের মধ্যে পৃথক মেডিকেল ওয়েস্ট ম্যানেজমেন্ট অথরিটি গঠনে হাইকোর্টের নির্দেশনাকে স্বাগত জানিয়ে তা বাস্তবায়নের প্রত্যাশা ব্যক্ত করে সম্পাদকীয় প্রকাশ।

উপসম্পাদকীয়

ইনকিলাব পত্রিকায় প্রকাশিত কলামে উল্লেখ করা হয়েছে, সবাই নিজ নিজ মাতাপিতা ও তাদের অবর্তমানে নিকট আত্মায়নের প্রতি সকল প্রকার সাহায্য-সহযোগিতা, ভালবাসা ও দায়িত্ব পালনের মাধ্যমে সুন্দর পারিবারিক জীবন, সমাজ ও রাষ্ট্র গঠনে অবদান রাখতে পারে।

নিবন্ধ ও ফিচার

ইন্ডেফাক পত্রিকায় প্রকাশিত ‘ভবিষ্যৎ প্রজন্মের জন্য নিরাপদ আবাস’ শিরোনামের নিবন্ধে অভিমত প্রকাশ করা হয়েছে, বিপন্ন পরিবেশের মরণছোবল থেকে দেশবাসীকে রক্ষা করা যেমন জরুরি, তেমনি ভবিষ্যৎ প্রজন্মের জন্য একটি বাসযোগ্য নিরাপদ ও সুন্দর স্বদেশভূমি নিশ্চিত করাও প্রতিটি নাগরিকের নেতৃত্ব দায়িত্ব।

#

